

Шүүврт белдлгъ сәәнәр кеджәнә

Сургъулин джил чилхнь
öбрдәд, үлдсн öдрмүднъ тоо-
лгдад ирв. Сургъульчнрин шү-
үвр авхд белдлгъ кех, сургъу-
лин джилин ашинь диглх цаг
эклв.

Элст балгъсна хойрдгч но-
мертә долан джилә школ
сургъулин джилән сәәнәр
чиләхәр бас белдлгъ ке-
джәнә. Эн школд, öдгә цагт
450 гар сургъульчнр сурна.
Хальмг келн-әмтн тöрски газ-
рурн нүүдж ирджәх учрар,
теднә тонь öдр ирвас немнә.

Энджл, эн школд 7-ч хойр
классд шүүвр болхмн. Шуув-
рән öгх сургъульчнриг белд-
хин кергт, ода деерән, шинäs
нүүдж ирджәх хальмг күүкд-
көвүдлә салу немүрин занятъ
кеджәнә. Наадк шүүврән öгх
сургъульчнрлань болхла, да-
сад давдж одсн материалму-
дан давтсн деерән, класс бол-
гънарнь цәәлгъвр öггднә.

Класс болгънд эк-эцкинринь
хург болв. Сургъульчнр шүү-
врән сәәнәр öгхд, эк-эцкиннь
селвг-нилч, ямаран дөнъгән
күргхин туск тöрмүд тер хургт
сонъсгдв.

7-ч „Б“ классин сургъуль-
чнр Ункуров Лев, Чуб Л.,
Чернухина В. болн Бютцино-
ва С. шүүвртән сәәнәр бел-
дсн деерән, данъгин сәәнәр
сургъулан сурцхана.

Шүүврт белдлгъән үзмджтә
сәәнәр кедж, сургъулин джи-
лән диилвртәгъәр тöгсәхин
тöлә, мана школин багшнрин
коллектив зүткджәнә гидж эн
школин завуч Бабенко келв

СЕМЕНА Т.